

I hab allweil müassn denkn
was i Dir zum Geburtstag kenn tat schenkn.
Zeig hast gnua, van da Wäsch bis zu de Schuha,
und doch sollts etwas Wichtigs sein,
nit blas a Krafl, Glumpat, nein.
Es ist ka Hemd und a ka Hosen,
sein kane Nelkn und ka Rosn.

Aba wichtig is – so wia i sag –
brauchn kannst das jeden Tag!

Es ist ka Bartwisch is ka Besn,
und a ka Zeitung so zum lesen,
a Kaibl, ja kanns a nit sein,
da war die Schachtl viel zu klein:

Aba wichtig is – so wia i sag –
brauchn kannst das jeden Tag!

Es is ka Sattl drin zum Reiten
Und a ka Kamm, für laus`ge Zeitn
Sein kane Pfln drin zum schluckn
Und a ka Brilln, zum blöd guckn:

Aba wichtig is – so wia i sag –
brauchn kannst das jeden Tag!

Es is ka Ofn drin, zum hazn
Und a ka Trugn volla Wazn,
a ka Pullova und ka Bluse
und ja schon gar nix von der „Beate Uhse“:

Aba wichtig is – so wia i sag –
brauchn kannst das jeden Tag!

Es is sehr lang, doch oft zu kurz
Es is ka Deckn und ka Schurz,
es brauchts da Mann und a das Weib,
aba nit fürn Kopf, na, für den Leib:

Aba wichtig is – so wia i sag –
brauchn kannst das jeden Tag!

Was denkst blas wohl, was kummt da raus?
Was manst? Ja packs halt amol aus,
und abs Die gfreit, das wolln ma segn
den so a Geschenk, werds selten gebn!
